

陽原李泰桑先生著

西洋內服史

何其鞏署簽



第三編 中古史

第一章 日爾曼諸國之勃興

第一節 東高峙人征服意大利

奧道塞承羅馬之餘燼。建國於意大利。竭力治理。意圖久傳。孰知東高峙人一至。而慘淡經營。竟附流水矣。自阿提拉殂後。芬族式微。東高峙人脫其羈絆。建國於多腦河畔。與東羅馬盟。越二十年。提俄多理被選爲王。往來於米西亞珀拿尼亞之間者十五年。厚結其族。和衷共濟。國以大強。紀元四百九十年。致書於東羅馬帝曰。意大利爲君故土。先帝陵墓所在。今屈於奧道塞。能勿恥耶。敝族夙受君惠。未之敢忘。願效死力。傾國西征。倘邀天寵。不至敗亡。所不尊東帝爲主者。有如皎日。東帝庶畏東高峙之強。慮其逼已。久欲其遷許之。是年。提俄多理率其族至意大利。與奧道塞連兵三年。數戰皆捷。紀元四百九十三年。逐奧道塞。自立爲意大利王。誅異黨。是爲東高峙王國。在位三十三年。國內大治。高峙人羅馬人視爲同仁。內而政治修明。外而農商興盛。偃武修文。學藝大昌。復與西方諸部。連姻締盟。厚結其歡。提

阿多理嘗自語云。余在位民無他憾。惟恨東高峙人不早來。不能早享太平耳。此言非虛誇也。惟晚年嘗與羅馬教長不和。已而與東羅馬及諸大臣亦相惡。故其殂後。權不能行。遂抵於亡。事詳後節。

第二節 東羅馬帝朱斯廷尼之治功

西羅馬亡後。東羅馬帝國維持勢力於東方者。殆及千年。然國事不振。官吏婢妾跋扈於上。近衛軍隊弄權於下。綱紀頹廢。黨派軋轢。苟延殘喘。僅保命脉而已。惟朱斯廷尼大帝時。國威外揚。政績內舉。頗稱治世。紀元五百二十七年。帝卽位。憂國事不振。銳意思治。選委員六十人。以德里波尼爲長。編纂法典。頒行國中。人皆稱便。後世法律。除英吉利外。歐洲各國。莫不奉爲典範。時宗教之爭極盛。或云基督卽神。或云基督兼人神之性而共有之。喧囂不已。至於角鬥。主後說者。爲尼士他羅。Zacharias。故稱尼士他羅教。帝以紀元三百五十二年。尼愷亞Necha。大教會採用前說。反對派益激昂。煽亂謀弑帝。事泄。誅三萬人。勅令嚴禁異說。違者逐出國境。發督建大教堂於都城。名山所非亞。St Sophia。更設教會於國內各地。使遵勅令布教。於是尼士他羅教徒紛紛去國。經中央亞西亞。流入中國。稱爲景教。時國

內有新柏拉圖教。即以柏氏哲理。與各宗教諸神參合爲一。組織新教。與基督教抗。帝卽勅令以基督教爲國教。故對於斯派。亦禁絕之。紀元五百二十九年。封閉雅典哲學研究所。放逐其徒。是派遂衰。帝在位時。復獎勵蠶業。古時。是業惟盛行於中國。印度及其他東方諸國。而西歐無之。希臘羅馬絹絲。皆自亞洲輸入。故歐人皆欲知養蠶法。紀元五百五十年。頃有二僧自印度齋蠶卵歸國。教人飼育。帝大喜。命於希臘地方試養之。保護獎勵。不遺餘力。後益傳播至意大利法蘭西西部。歐羅巴諸國。皆盛行矣。此其內政之可紀者也。帝在位時。武功亦盛。波斯來侵。帝遣比里薩流 Belisarius 率兵禦之。屢破其兵。紀元五百三十三年。波斯王庫薩羅 Chosroes 計窮請和。悉返侵地。越二年。比里薩流復奉命征意大利。先得希西里。次平意大利南部。佔領羅馬。時提俄多理沒已十年。東高峙族勢衰。而比里薩流氣甚振。高峙人不能敵。紀元五百四十年。送王冠於比里薩流。願臣事之。會波斯王敗盟犯邊。連陷數邑。比里薩流被召還。於是意大利復爲高峙人所復。比里薩流再率兵深入亞西亞。連戰皆捷。波斯王不得已。紀元五百四十三年。爲第二次講和。事始平。比里薩流復以軍艦六百艘。征伐北非。不數月間。大捷。滅萬達王國。虜其王而還。明年。再攻意大利。恢復羅馬。帝忌其

功高跋扈。絕其兵餉。紀元五百四十九年召之還。以那爾塞 *Narses* 代統其衆。那亦善將。征服東高峙族。意大利悉平。治於拉芬納。仍隸東羅馬。時紀元五百五十二年也。(一)

註一，參觀 *Encyclopedia Britannica Justinian I*

第三節 耶勃德人征服意大利

那爾塞征服意大利後。十三年中。境內宴然。民皆頌德。紀元五百六十五年。朱斯廷尼帝崩。朝臣忌之。召那爾塞還。那怒。因召耶勃德人來攻。耶勃德人亦日爾曼種。故居珀拿尼亞。饒勇善戰。所至殘殺。紀元五百六十八年。其酋阿列包 *Alboin* 率衆入意大利。時那爾塞已歸矣。阿因展轉下南意大利。中北大部。盡爲所有。僅南部數邑。及臨海兩線地。仍屬羅馬。阿列包無意進攻。遂自稱王。都於珀維亞 *Pavia*。尋爲其后羅斯馬 *Rosamond* 所弑。嗣者無遠略。意大利得不全亡。東羅馬保有拉芬納諸城。以與之抗。耶勃德人據波河流域各部。及塔斯坎崖 *Tuscany* 司暴里桃 *Spoleto* 卑尼文敦等地。以處其衆。然習俗粗野。不知治道。漸爲法蘭克部所取。分爲數小部。名雖存立。實已淪亡矣。東羅馬自朱斯廷尼帝崩後。亦四分五裂。屢被邊患。埃及叙里亞。盡爲波斯所有。紀元六百十年。希拉克利 *Heraclius* 即位。

雖暫回復。然紀元六百四十一年帝崩後。復與波斯人同制於摩哈默德。式微已甚矣。

第四節 法蘭米羅維亞朝之勃興

當耶勃德人初入意大利時。法蘭克族建國已百餘年。法蘭克族亦日爾曼種。紀元四百五十年頃。渡萊因河展轉南下。盡有馬因 Main 河以北之地。日臻強盛。蠶食鄰近各地。此爲日爾曼空前之智。而亦法蘭克得勝之由也。其在古時。分爲無數小部。而以薩蘭 Salian 利蒲蘭 Reparian 兩族爲最強。紀元四百八十年。有克老維亞 Clovis 自以其族所傳古神米羅維亞 Merovius 爲祖。族人信之。舉爲薩蘭酋長。法蘭克人多往歸之。其族故強悍。克老維訓之。皆成勁旅。紀元四百八十六年。率衆入高盧。大敗羅馬軍於散宜孫 Soissons。於是勞阿河 Loire 北高盧之地。悉爲所有。克老維在位二十五年。領土大張。萊因河上游。及勞阿河。比拉尼斯山間。西高峙人領地。皆入版圖。建日爾曼人亘古之大國。史家以其奉米羅維亞爲始祖。故稱米羅維亞朝。克老維歿後。嗣者得人。布格第亞族亦被征服。是族亦日爾曼種。紀元五世紀頃。侵入法蘭克境。於龍河附近。奠厥攸居。後以屢敗。遂稱臣於法蘭克。是後克老維之子孫。雖仍主其國。然優柔寡斷。皆無大略。其俗國王殂。以國分其諸子。各

不相下。內亂頻起。顧主權雖弱。國勢甚強。所得疆土。從未失守。西自大洋東。至哀勒伯河。北極北海。南抵比拉尼斯。及地中海。莫敢不來王。誠歐洲之霸主也。

第二章 教皇之起原及諸夷入教之始末

第一節 教會之組織

耶蘇歿後。其徒組織教會於耶路撒冷。初以草創。條例不完。厥後傳教各地。徧設教會。其中職員。均有等差。首領曰監督 Bishop。監督之下曰長老。長老之下曰執事。長老傳教各處。建新教會時。仍受母會節制。監督之權。由是日大。教會既多。監督非一。同輩之中。復有僧正 A rebishop。承斯職者。多爲各大教會監督。至五世紀中葉。僧正之上。又有教長 Patriarch。位較僧正尤高。東羅馬境內。如耶路撒冷。亞力山大利亞。安提俄喀。君士但丁堡。西羅馬境內。如羅馬城。均有教長。由是教會之權。蒸蒸日上。惟希臘人及羅馬人。意見不和。夙相仇視。自羅馬兩分後。夷勢猖獗。國日衰微。希臘人回首往事。爲人奴隸。謀乘隙報復。事事與羅馬抗。故中世紀初。教會亦以分峙。東西競爭。各竭其能。基督教旨。因有異歧。希臘以東都教會爲歸。羅馬以羅馬教會爲歸。教雖爲同。而判然兩事矣。

第二節 教皇之起原

東方教長甚衆。故權不能集。西方則僅羅馬城中有一教長。各地教會莫不尊之。然當權者尤不自足。欲爲天子教主。因宣言曰。昔耶穌以彼得爲第一門人。彼得曾建教堂於羅馬。自爲之長。厥後教長僧正皆奉爲祖。彼得爲耶穌第一門人。九世紀前人皆公認。西方各教會遂奉羅馬教長爲教皇。是爲教皇之起原。顧其實因非僅受彼得之影響。蓋有二端焉。自君士但丁東遷後。羅馬僧正位置最高。行政長官尊莫及之。且歷任僧正皆純正有禮。寬厚溫良。西方教會爭執不結。輒來就審。裁判至公。人皆信之。初則偶然。繼成常例。不遠千里而來者實繁有徒。六世紀末。羅馬教會儼同法庭。凡爲宗教爭訟者莫不聽其審理。教長之權日大。此其一也。羅馬僧正恒救民於患難之中。人皆敬之。如西高峙人之攻羅馬也。教堂重器絲毫無犯。萬達人之入羅馬也。僧正請其勿傷百姓。其王慨然應允。民承其恩。賴以安寧。而羅馬教會復遣長老布教各地。所建教會對於羅馬教長皆負忠義。代宣德音。民愈感之。同樂於奉戴。此其二也。

第三節 日爾曼諸族入教始末

羅馬境外最先入教者爲高峙人。其著名教士曰歐非拉。Aquila。嘗取基督教聖經譯爲高峙文。而去舊約中之列王記。蓋以此記多叙戰事。彼族強悍。不宜讀此。以長好武之心也。當西高峙人見逼於芬族時。嘗求援於東帝韋連斯。乞踰多腦河內徙。帝與約必入基督教始可。西高峙人從之。是爲西高峙人入教之始。事已詳上古史。迨西羅馬亡。凡據羅馬諸族如東高峙。萬達。休威。布格第亞。諸民。均經入教。惟所宗大半爲愛利亞。Arian。派。自尼基亞。Nicaea。會議後。是派大爲眞基督教所訾。於是各族始漸棄異說。進求真理。至其餘各族如法蘭克。薩克遜。斯干德納斐亞。及其他日爾曼人入教之初。已得眞傳矣。法蘭克人初入羅馬境內時。尙拜偶像。與不列顛之盎格魯薩克遜人無異。紀元四百九十六年。日爾曼之阿蘭曼尼人寇法蘭克。王克老維跪而誓於上帝曰。如能勝敵。必信基督教。果大捷。克老維乃率武士數千人同受洗禮。其后故爲基督教。因勸之下令國中。俾人皆奉教。是爲法蘭克人入教之始。紀元五百九十六年。羅馬教皇遺長老奧古斯丁。Augustine。往不列顛傳教。從者四十人。旣抵不列顛。盎格魯薩克遜人優禮待之。聞所傳道。翕然信從。遂毀其先神廟。受洗禮者。連絡不絕。由是英倫三島。漸入基督教。惟其傳於歐洲北方者。進步頗遲。自九世

紀至十一世紀時。斯干德納斐亞人。始漸信教。其人向爲海盜。自入教後。俗以丕變。至十四世紀之初。歐洲全境。除西班牙南方摩爾 Moors 人及歐北拉比蘭 Lapland 芬蘭 Finland 兩種外。無一非基督教國矣。

註，本節參觀 Harding. Midival and Modern History. P. 18-19.

第三章 薩拉森帝國之勃興及其分裂

第一節 地理及人種

薩拉森 Saracens 人者。東方人之意。薩拉森帝國。中國謂之大食。其興也在亞拉伯。南面印度洋。東臨波斯灣。西界紅海。北接敘里亞。及古巴比倫尼亞。其地多沙漠。三面臨海。故商業甚興。其人亦閃密的族。與猶太人同著於史。國中猶太人甚多。皆爲羅馬所驅逐者。民族雜駁。割據相攻。半以遊牧爲業。國之東南。地勢較高。產香料。控阿丹灣。經營商務。稍進開明之域。其性豪邁。敏於貨殖。嘗組織商隊。貿易諸國。又性好詩歌。篤於信仰。摩哈默德未興之前。皆拜偶像。麥加城。爲聖蹟所在地。有大廟。奉克爾白 Kaaba 神。中藏黑石。相傳爲天神賜阿伯拉罕之物。然亞拉伯人。亦有信他教者。國家不禁。故猶太教堂。基督教堂。及波斯火教。

堂錯雜其間。時起紛爭。自摩哈默德出。始歸統一。而建大帝國焉。

第二節 摩哈默德教及其教旨

摩哈默德教。中國謂之回教。摩哈默德。卽其教祖。以紀元五百七十年生於麥加。其先爲哥里休 *Kareizh* 族。世爲克爾白神廟之手。摩哈默德。幼孤。及長貧不能自給。牧羊爲生。傭於嫠婦開地約 *Khadija*。開地約悅其厚重。嫁之。摩哈默德驟富。以是得廣交遊。又詳究鬼神之理。參酌猶太基督二教宗旨。創立回教。西史稱伊西蘭 *Isian* 教。伊西蘭者。卽服從之義。箬書曰可蘭 *Koran*。是爲回教聖經。其書謂上帝傳道於四聖人。以五經傳摩西。以聖詩傳大衛。以福音傳耶穌。摩哈默德在諸先知中最晚出。道行最高。故傳以可蘭。其文有云。上帝一也。舍阿拉 *Allah* 外無所謂神。摩哈默德。阿拉之先知也。凡入教者。必信可蘭之言。人死可以復生。死後經天審判。受生者善惡之報。凡事均由天定。人不能違。尤宜勉行四事。一。每日向麥加虔禱五次。二。賙濟貧乏。三。逢茹素節期。嚴守一日。四。往麥加謁克爾白神。哥里休族。惡其倡異說。恐見輕於人。以貽族羞。因謀害之。摩哈默德懼。逃至米地那 *Medina*。時紀元六百二十二年也。回教後以是年爲紀元。摩哈默德。經此挫折。宗旨一變。意謂事荷

利人不防以威力強行。是爲回教特色。迥異各教。各教教主皆道德家。回教教主則爲大英雄。各教同尙仁義。回教獨尙武力。各教皆主博愛。回教獨主排外。其所以戰勝羣雄。建立一大帝國。獨樹一幟者。以此。其所以偏淺狹隘。不能同化異教徒。使爲己用者。亦以此。長處卽其短處。優點卽其劣點也。摩哈默德居米地那八年。熱心傳教。信徒日衆。乃以威力強迫信教。謂神惟一。而萬能。信者降之祥。不信者降之殃。人欲得現在未來之幸福。必須信神。而爲之戰。戰而死者。必適樂土。民故強悍。聞言益奮。十年間遂攻下麥加。定都於此。強迫宣教。令人於經典利劍租稅之中。任擇其一。不信教者。必納租稅。否則殺之。取麥加後二年。摩哈默德殂。年六十三。時紀元六百三十二年也。(一)

註1，參觀 *Encyclopedia Britannica*. Mohammedan Religion.

第三節 摩哈默德正統

教祖摩哈默德殂後。無子。宗室阿理 Ali 尙公主法替馬 Fatima 欲以子婿。繼爲教主。摩哈默德岳父。宗室阿布卑克 Abubekr 以忠厚重望爲所推。重繼爲教主。稱喀利法。Caliph。厥後各代教主。皆以是爲號。喀利法者。亞拉伯語王之謂也。阿布卑克卽位後。纂修可

蘭經加以歷來父老口傳修正教旨。名曰蘇那 Soona 贊成修正之說者。尊喀利法爲教主。正統稱蘇那派。反對者尊阿理爲教主。嫡系稱西阿 Sheeah 派。是爲回教分派之始。內治既定。遂紹摩哈默德遺志。以兵脅迫國人入教。已而欲伐叙里亞。大徵阿拉伯兵。會於米地納。師徒旣集。戎幕相望。禱於神而後發。叙里亞王希拉克利。嬰城以守。然卒不支。遂爲亞拉伯人所取。同時復伐波斯。波王故奢侈。屢與東羅馬構兵。國力日疲。亞拉伯人乘間攻之。未下。而阿布卑克殂。宗室歐馬 Omar 繼之。是爲第二代喀利法。時紀元六百三十四年也。歐馬繼先主遺志。再征波斯。略取幼發拉底河外地。明年遣兵攻東羅馬。征復巴勒斯坦腓尼基等地。越二年。別將威喀斯復擊波斯。大破其兵於坎第西亞 Cadesia 次年破都城。盡取美索不達米亞地。國王伊嗣埃 Yeshiyed 東走。紀元六百四十一年。大舉西圖恢復。戰於尼哈溫 Nehawend 敗績波斯遂亡。伊蘭高原盡爲薩拉森帝國所有矣。先是紀元六百三十八年遣將哀慕路 Amroo 伐埃及。圍亞力山大利亞。至是破之。城中有大書庫。哀慕路上書歐馬問所處置。歐答之云。如其書旨同可蘭。則存之爲贅旒。如與之異。則是害道之尤。不如火之。乃分給城中各浴堂以爲炊薪。燒六月始盡。已而復攻北非。瀕海基督教各地遂

下進攻內地之摩爾人。久之乃定。歐人大懼。遣兵往援非洲。然皆中途叛。亞拉伯人遂滅迦太基。夷其地。於是非洲北境。自尼羅河至大西洋。皆爲薩拉森屬地。歐馬功略雖大。然自奉甚儉。飲冷水。食大麥。麵包衣服藍縷。幾同乞丐。在位十年殂。宗室奧斯曼 *Othman* 故爲摩哈默德秘書。被推爲第三代喀利法。紹教主遺志。遣兵西伐。略定北非。在位十二年爲西阿派所殺。阿理卽位。是爲第四代喀利法。時紀元六百五十五年也。會宗室摩維亞 *Muawi* 時鎮叙里亞。以復先主之仇爲名。舉兵叛。紀元六百六十一年。使刺客弑阿理而自立。遷都大馬色。以其曾祖名奧馬約 *Omaya* 故稱奧馬約朝。摩哈默德正統遂絕。

第四節 奧馬約朝

摩維亞子孫。君臨大馬色者。百有餘年。紹教祖遺志。四出征伐。東取花刺子模 *Khwarism* 布克哈拉 *Bukhara* 撒馬兒罕 *Samarkand* 侵略印度河流域。其勇將庫退拔 *Katibah* 侵入天山南路。略取唐室領土。以乏水草故引還。紀元六百八十八年。分兵兩支。一由亞洲進抵赫勒斯邦峽。攻東羅馬都。一由非洲抵直布羅陀峽。攻西高峙。旣圍君士但丁堡。而都人固守。用希臘火器禦之。不逞而還。然西方以奸人之納。遂以紀元六百七十一年入西班牙。

與西高峙王戰於錫勒斯。大敗其衆。西班牙境內。自西北諸嶺外。悉歸薩拉森。是地在歐洲最稱富饒。回教領之。約八百年。亞拉伯。叙里亞。及北非洲人。往者如市。未幾而色非勒。Sicily。柯多法。Cordova。多勒陀。Toledo。加拉那。Granada。諸省。言語習俗。悉變而從亞拉伯矣。紀元七百十六年。復以兵圍君士但丁堡。爲東羅馬帝擊敗。引還。尋復遣兵西征。自西班牙踰比拉尼斯山。伐高盧。基督教人見回教勢盛。大有併吞全歐之勢。因籌抵禦之策。紀元七百三十二年。法蘭克相查理馬太。Charles Martel。合與國之師。與回教大戰於高盧中境之度爾。Tours。基督教人以成敗在此一舉。皆死戰。亞拉伯將陣亡。回教兵大敗。死者三十萬。是後遂不得逞。然薩拉森領土。時已極廣。東抵葱嶺。與唐室接境。西抵大西洋。南盡北非。北接法蘭克。東與唐室交通。西壓歐洲諸國。聲勢之大。亘古未有。顧國內黨派分立。日事傾軋。朝政日腐。至第十一代喀利法時。各派教徒。擁戴宗室。大起衝突。薩拉森帝國。遂瓦解矣。

第五節 阿巴斯朝

初阿理之被弑也。其子孫避難。東奔波斯。熱心傳教。土人以其爲教主嫡系。多信仰之。因創法替馬派。色尙綠。奧馬約急力滅之。不克。而摩哈默德叔父阿巴斯 Abbas 之後。亦與奧馬

約朝有隙。自立一派。弘布於花山 Khorsan 附近。稱阿巴斯派。色尙黑。奧馬約朝直系宗派盛行於叙里亞。色尙白。伊西蘭教。分而爲三。互相軋轢。法替馬阿巴斯兩派。連合以抗奧馬約朝。紀元七百五十年。奉阿巴斯玄孫阿蒲羅拔 Abulabbas 爲主。舉兵作亂。敗奧馬約朝兵。破大馬色。喀利法馬完 Marwan 出奔埃及。被弑。阿蒲羅拔自立爲喀利法。是爲阿巴斯朝始祖。中國稱之曰黑衣大食。阿蒲羅拔在位五年。殂。庶兄阿蒲恭拂 Almansur 即位。賢明好學。紀元七百五十六年。建新教於底格里斯河西岸。定名巴加達 Bagdad 地當東西要衝。爲文明孔道。復遣使通好於唐。助唐平安史之亂。在位二十年。殂。三傳而至柯論 Haroun-Roschid 文化大昌。嘗發兵東攻吐蕃。以故吐蕃不得專意攻唐。柯論在位二十一年。殂。時絕元八百零七年也。再傳而至阿理馬麻 Almanu 紹曾祖父之志。獎勵科學。搜集希臘名著。譯成亞拉伯文。以供國人孳治之資。於是星學。數學。醫學。地理學等。同時發達。史學亦興。阿巴斯朝興之七十年後。爲薩拉森東帝國極盛時代。壟斷世界商權。東自中國。印度。馬來半島。西至非洲北岸之衣弗利葉 Ifrikyā 北自窩爾根 Volga 河南至非洲東岸之散基巴 Zangibar 全球貨物。皆集於巴加達。商賈雲集。交通便利。運河橋梁。星羅棋布。

樓閣觀宇。鱗次櫛比。繁盛甲天下。與上古之亞力山大亞利。君士但丁堡諸城相伯仲。裡海。黑海。亞拉伯海。地中海。印度洋及中國之南海。無處不有薩拉森帝國之商船。而巴加達一城。實東西學術之淵藪。工商業之中心也。自柯論以來。歷代獎勵學術。學術日益發達。人民日益柔懦。紀元八百三十三年。阿理馬麻殂。弟馬台西木 Mantassin 立。國勢漸衰。東方諸省多叛。阿理馬麻慮不保。乃募突厥人爲奴。訓練成禁軍。是後歷代喀利法。皆倚禁軍爲左右手。漸成跋扈之勢。大權握於軍人。喀利法惟唯諾聽命而已。

第六節 奧馬約朝西帝國及法替馬朝

初阿巴斯朝勃興。逮捕奧馬約朝子孫教徒。誅戮甚慘。發先朝陵寢。奧馬約宗室阿巴的拉曼 Abdel-Rahman 避禍。出奔埃及。展轉西下。航海至西班牙。會西班牙教徒不願受阿巴斯朝之節制。遂奉阿巴的拉曼爲喀利法。誅反對黨。紀元七百五十五年。定都於柯多法。是爲薩拉森西帝國之始祖。中國稱之曰白衣大食。厥後經過西氏喀馬 Hisham 一世。阿巴的拉曼三世等。歷代皆爲英主。勵精圖治。國勢日張。阿巴斯屢遣兵擊之不克。阿理之後馬衣斯 Mu'is 亦作亂。憑藉非洲北岸爲根據。經略埃及。紀元九百六十九年。創立法替馬